



古樂府序



漢武帝立樂府官采詩以四方之聲合八音之調用之甘泉園立此樂府之名所由始也歷世相承古樂廢缺雖修舉不常而日就浪沒博洽推究師授莫明於是凡其諸樂舞之有曲與夫歌辭可以被之管絃者通其前後俱謂之樂府上追三代下逮六朝作者迭興倣效繼出雖世降不同而

時變可攷紛紛沿襲古意畧存或因意命
題或學古敘事尚能原閨門衽席之遺而
達於朝廷宗廟之上方三百篇之詩爲近
而下視後世詞章留連光景者有間矣克
明竊伏山林有志茲事見聞淺鮮終不克
成數年以來勉強就緒採摭前人之餘意
探求作者之異同按名分類刪繁舉要唐
人祖述尚多非敢棄置蓋世傳者衆弗

於斯是編也謂之古樂府故獨詳於古焉
記曰凡樂樂其所自生愚之管見亦欲世
之作者泝流窮原而不失其本旨云耳其
爲卷也凡十而其爲類也八冠以古歌謠
辭者貴其發乎自然也終以雜曲者著其
漸流於新聲也嗚呼樂府之流傳也尚矣
風化日移繁音日滋愚懼乎此聲之不作
也故不自量度輒爲敘次推本三代而上

下止陳隋截然獨以為宗雖獲罪世之君子無所逃焉音日茲愚對乎此。韓之不亦至正丙戌良月豫章後學左克明謹書

重刻古樂府叙

錢塘田

藝蘅

詩三百聖人之經也如機縷之有緼也王綱紊紐聲律紇亡而漢制氏猶傳其緒響孝武廼立樂府之官以統之自廷雅廟頌以及卷詠涂謠為制不同如今之所纂其名亦三百焉蓋商周

而下此其紹之矣遠振餘音上
追絕調庶幾其緯乎在管左氏
肇采勳華結於陳隋名之曰古
樂府管弦間作淫哇未肴組織
粲然自成杼軸其見卓爾矣而
太府中菴徐公好雅復古欲章
風教于四方爰訪善本屬蘅合
郭茂菴所集綸同繹異而緝正

之于是得王將軍武庫舊鈔錢
闕者補譌亂者刊遂完藻辭文
事武備貞伯故兼長也它日鼗
吹凱歌干舞奏績王將軍以之
若夫明良賡歌太常錫樂不佞
又將于我徐公而考其成矣
泃泃乎豈不夫明之音也哉
大明萬曆己卯立秋日

大册萬國正非立極日
風風平世
夫陽身意
如禮
事
關
之



古樂府卷之一

宋葛洪

元

豫章左克明編次

魏

大明

新安王文元校刊

古歌謠辭

擊壤歌

康衢謠

舜歌

卿雲歌

南風歌

夏人歌

五子歌

黃澤歌

白雲謠

穆天子謠

南山謠

華元歌

澤門之誓歌

子產歌

庚癸歌

孔子歌

孺子歌

接輿歌

原壤歌

夢奠歌

成人歌

徐人歌

驪駒歌

越人歌

采葛歌

紫玉歌

渡易水

垓下歌

大風歌

楚歌

平城歌

戚夫人歌

趙幽王歌

畫一歌

秋風歌

瓠子歌

天馬歌

蒲梢天馬歌

李夫人歌

李延年歌

烏孫公主歌

黃鵠歌

漢成帝時謠

城上烏童謠

鮑司隸歌

張堪歌

五噫歌

雞鳴歌

岑君歌

郭喬卿歌

皇甫嵩歌

劉君歌

洛陽令歌

榮陽令歌

京兆謠

東哲歌

豫州歌

應詹歌

吳人歌

壠上歌

裴公歌

敕勒歌

東征歌

淫豫歌

挾瑟歌

靈芝歌

古歌謠辭

上古帝王之世德化下洽民樂無事
故擊壤之老人康衢之童子與夫卿
雲之瑞南風之時民莫不因之而成
歌其後風衰雅缺而妖淫靡曼之聲
起至周衰有秦青復有韓娥衛之王
豹齊之綿駒皆稱善歌世傳其能然
並徒歌也爾雅曰徒歌謂之謠廣雅

曰聲比於瑟琴曰歌韓詩章句云有章曲謂之歌無章曲謂之謠梁元章慕要云齊歌曰謳吳歌曰歛楚歌曰豔浮歌曰哇振旅而歌曰凱歌堂上奏樂而歌曰登歌亦曰升歌漢時有相和歌本出於街陌謳謠而吳歌雜曲始亦徒歌後入於樂府故歌有因地而作者易水垓下之類是也有因人而作者三子華元之類是也齊戒

以困而歌項籍以窮而歌鄭子產孔子漢張堪皇甫嵩郭喬卿俱取其政治而歌雖所遇不同至於發乎情則一也歷世已來歌謠雜出今採錄以繫其末云

擊壤歌

世紀帝堯之世天下大和百姓無事有八九十老人擊壤而歌風土記壤以木為之前廣後銳長三四寸形如履臙節童少以為戲分部如摘博藝經又云長尺四闊三寸將戲先側一壤于地遙於三四十步以手中壤敲

之中者為上古野老戲也

日出而作日入而息鑿井而飲耕田而食帝力於我何有哉

康衢歌

堯微服游於康衢聞童兒謠堯喜問曰誰教爾為此言童兒曰聞之大夫大夫曰古詩也堯還宮召召舜因禪以天下

立我烝民莫匪爾極不識不知順帝之則

舜歌

舜雖治定功成禮備樂和而君臣之間或有惰次以責難於臣或賡歌以責

難於君三百篇其權輿於此乎

股肱喜哉元首起哉百工熙哉

賡歌

元首明哉股肱良哉庶事康哉

又賡歌

元首叢脞哉股肱惰哉萬事墮哉

卿雲歌

尚書大傳曰舜將禪禹於時俊乂百工相和而歌卿雲帝乃唱之曰雲八伯咸進稽首曰云帝乃再歌曰云史記天官書曰若煙非煙若雲非雲郁

郁紛紛蕭索輪困是謂慶雲慶雲即卿雲蓋和氣也

卿雲爛兮 明明上天 八伯日月有常

卿雲爛爛禮湯湯兮 日月光華旦復旦兮

明明上天爛然星陳 日月光華引予一人

日月有常星辰有行 四時順經萬姓允誠於予

論樂配天之靈 遷于賢善莫不成聽 鼗手鼓之

軒平舞之精華 已竭寒裳去之

南風歌 賦詩曰南風

樂錄曰舜彈五弦之琴歌南風之詩 樂書曰舜歌南風而天下治南風者

生長之音也舜樂好之樂與天地 同意得萬國之驩心故天下治也

南風之薰兮 可以解吾民之愠兮 南風之時兮

可以阜吾民之財兮

夏人歌

尚書大傳曰夏人飲酒醉者持不醉 者不醉者持醉者而歌曰云伊尹退

而更曰云薄 湯之都也

蓋歸乎薄薄亦大矣 夏人

覺兮較兮 吾大命格兮 去不善而善何不樂兮

伊尹

江水沛兮舟楫敗兮我王廢兮趣歸於薄薄亦
大兮神兮

樂兮樂兮四牡驕兮六轡沃兮去不善而從善
何不樂兮而更曰云武

五子歌

太康以逸豫滅厥德盤游無度為羿
所拒而失邦昆弟五人咸怨須于洛
汭述大禹之
戒以作歌

皇祖有訓民可近不可下民惟邦本本固邦寧
予視天下愚夫愚婦一能勝予一人三失怨豈

在明不見是圖予臨兆民惛乎若朽索之馭六
馬為人上者柰何不敬

訓有之內作色荒外作禽荒其酒嗜音峻宇雕
墻有一于此未或不亡

惟彼陶唐有此基業今失厥道亂其紀綱乃底滅亡
明明我祖萬邦之方右典有則貽厥子孫關石

和鈞王府則有荒墜厥緒覆宗絕祀

嗚呼曷歸予懷之悲萬姓仇予予將疇依鬱陶
乎予心顏厚有怙怙弗慎厥德雖悔可追

黃澤辭

穆天子傳自天子東遊于黃澤使宮樂謠云

皇之陀其馬歎沙皇人威儀皇之澤其馬歎玉

皇人壽穀

白雲謠

穆天子傳曰天子觴西王母于瑤池之上西王母為天子謠天子答之

白雲在天山陵自出道里悠遠山川間之將子

無死尚復能來

穆天子謠

子歸東土和洽諸夏萬民平均吾願見汝比及

三年將復而野

南山歌

淮南子曰甯越欲干齊桓公困窮無以自達於是為商旅將任車以商於齊莫宿於郭門外桓公郊迎客夜開門辟任車爝火甚眾越飯牛車下望見桓公而悲擊牛角而疾商歌桓公聞之曰異哉非常人也命後車載之

越一作戚

南山研白石爛生不遭堯與舜禪短布單衣適

至飢從昏飯牛薄夜半長夜漫漫何時旦

至謂於華元歌

南山孤白

宋人增築舊城華元為植巡功城者歌以譏之華元亦作歌使驂乘者答之城人又復歌之

睥其目皤其腹棄甲而復于思于思棄甲復來

驂乘賡歌曰

牛則有皮犀兕尚多棄甲則那

役人又賡歌曰

從其有皮丹漆若何

澤門之誓

澤門之誓實興我役邑中之黔實慰我心

子產歌

皇國父為宋太宰為平公築臺於門乃宋東城南門也皇國父已誓居近之時妨農收稻子罕請畢農功而後興役公勿許築者歌以美子罕

取我衣冠而褚之取我田疇而伍之孰殺子產

鄭子產為政使都鄙有章上下有服田有封洫廬井有伍豐卷將祭請田焉弗許豐卷怒退而徵役子產奔晉子皮止之而逐豐卷豐卷奔晉子產請其田里三年而復之及其田里及其入焉從政一年與人歌謠以誦之及三年又誦之

吾其與之

又歌曰

我有子弟子產誨之我有田疇子產殖之子產而死誰其嗣之

庚癸歌

魯哀公會單平公晉定公吳夫差于黃池吳晉爭先趙鞅呼司馬寅曰日肝矣大事未成二臣之罪也對曰請待之乃先晉人吳申叔儀作歌乞糧於公孫有山氏有山氏賡歌以復之故教申叔儀為私隱以登晉山而呼曰庚癸乎則諾此言吳子不與衆同樂所以取亡也

佩玉綵兮余無所繫之旨酒一盛兮余與褐之

父睨之

賡歌

梁則無之粗則有之

孔子歌

孔子為魯司寇攝行相事其初人歌以謗之三月政成化行民歌以誦之

謗歌曰

麤裘而鞞投之無及鞞之麤裘投之無御

采芣苢誦歌曰

袞衣章甫實獲我所章甫袞衣惠我無私

孺子歌

孔子聞孺子歌聲入心通無非至理喻門人聽之清斯濯纓濁斯濯足矣自取之也又曰漁父歌

滄浪之水清兮可以濯我纓滄浪之水濁兮可以濯我足

接輿歌

孔子將適楚故接輿歌而過其車前譏其不能隱為德衰也接輿蓋知尊孔子而趨不同者也

鳳兮鳳兮何德之衰往者不可諫來者猶可追已而已而今之從政者殆而

原壤歌

孔子之故人曰原壤其母死夫子助之沐櫛原壤登木曰久矣予之不託於音也蓋母死而歌非禮之甚夫子以其故人故為不聞而過之以全其交也

狸狌之班然執女手之卷然

夢奠歌

孔子蚤作負手曳杖逍遙於門乃作歌既歌而入謂子貢曰夫明王不興

而天下其孰能宗予予殆將死也蓋寢疾七日而沒

泰山其頽乎梁木其壞乎哲人其萎乎

成人有其兄死而不為衰者聞高子臯將為成宰懼而為衰成人歌之

蚤則績而蠲有匡范則冠而蟬有綏兄則死而子臯為之衰

徐人歌

劉向新序曰延陵季子將聘晉帶寶劍以過徐君徐君觀劍不言而色欲之季子未獻也然其心許之矣使反而徐君已死季子於是劍帶徐君

墓樹而去徐人為之歌

延陵季子兮不忘故脫千金之劍兮帶丘墓

驪駒歌

此逸詩也漢書儒林傳王式除為博士既至舍中會諸大夫共持酒肉勞式皆注意高仰之博士江公心嫉式謂歌吹諸生曰歌驪駒式曰聞之於師客歌驪駒主人歌客毋庸歸今日諸君為主人尚早未可也驪駒者客欲去歌之故式以為言也

驪駒在門僕夫俱存驪駒在路僕夫整駕

越人歌

劉向說苑曰鄂君子哲泛舟於新波之中乘青翰之舟張翠蓋會鐘鼓之音畢榜枻越人擁楫而歌於是鄂君乃掄脩袂伏行而擁之舉綉被而覆之鄂君楚工士母弟也

今夕何夕兮塞洲中流今日何日兮得與王子同舟蒙羞被好兮不訾詬耻心幾煩而不絕今得知王子山有木兮木有枝心悅君兮君不知

采葛婦歌

吳越春秋曰采葛越之婦人傷越王用心乃作若之何歌

嘗膽不苦味也石飴今我采葛以作絲

紫玉歌

樂府詩集曰紫玉吳王夫差女也作歌詩以與韓重

南山有鳥北山張羅意欲從君讒言孔多悲結成疹歿身黃墟命之不造宛如之何羽族之長名為鳳凰一日失雄三年感傷雖有衆鳥不為匹雙故見鄙姿逢君輝光身遠心近何曾暫忘

渡易水

風蕭蕭兮

一日荆軻歌史記曰燕太子丹使荆軻刺秦王送之至於易水之上軻

使高漸離擊筑復為羽聲慨於

是就車而去

風蕭蕭兮易水寒壯士一去兮不復還

垓下歌

漢書曰高祖圍項羽垓下是夜聞漢軍皆楚歌驚曰漢已得楚乎起飲帳中有美人姓虞氏常從駿馬名騅常騎乃悲歌忼慨自為歌詩數曲美人和之羽泣下數行遂上馬潰圍南出平明漢軍乃覺按琴集有力拔山操項羽所作也近世有虞美人曲亦出於此

力拔山兮氣蓋世時不利兮騅不逝兮
可奈何虞兮虞兮奈若何

天風歌

漢書曰高祖既定天下還過沛留置酒沛宮悉召故人父老子弟佐酒發沛中兒得百二十人教之歌酒酣帝擊筑自歌令兒皆和習之帝自起舞按琴操有大風起漢高帝所作也

大風起兮雲飛揚威加海內兮歸故鄉安得猛士兮守四方

楚歌

漢書曰高祖欲立戚夫人子趙王如意而廢太子後不果戚夫人泣涕帝曰為我楚舞吾為楚歌其言太子得四皓為輔羽翼成就不可易也顏

師古曰楚歌者楚人之歌猶吳歎越吟也

鴻鵠高飛一舉千里羽翼已就橫絕四海橫絕四海又可柰何雖有繒繳尚安所施

平城歌

平城之下亦誠苦七日不食不能發弩
漢書匈奴傳曰高祖自將兵三十餘萬擊韓王信帝先至平城步兵未盡到冒頓縱精兵三十餘萬圍帝於白登七日漢兵中外不得救餉樊噲時為上將軍不能解圍天下皆歌之後用陳平秘計得免白登在平城東南去平城十餘里

戚夫人歌

漢書外戚傳曰高祖得定陶戚姬愛幸生趙隱王如意惠帝立呂后為皇太后后廼令永巷囚戚夫人髡鉗衣赭衣令春戚夫人春且歌太后聞之大怒曰乃欲倚子邪召趙王殺之戚夫人遂有人彘之禍

子為王母為虜終日春薄暮常與死為伍相離
三千里當誰使告汝

趙幽王歌

漢書曰趙幽王友高帝之子孝惠時友以諸呂女為后不愛愛它姬諸呂女讒之於太后太后怒召趙王置邸令衛圍守之趙王餓乃作歌遂幽死

諸呂用事兮劉氏微迫脇王侯兮疆授我妃我
妃既妬兮誣我以惡讒女亂國兮上曾不寤我
無忠良兮何故棄國自決中野兮蒼天與直干
嗟不可悔兮寧早自賊為王餓死兮誰者憐之
呂氏絕理兮託天報仇

畫一歌

漢高帝與蕭何定天下去令既明何
薨參代何為相謂帝曰一遵約束而
勿失不亦可乎帝曰善參曰為皇
為相國三年百姓歌之曰國如
蕭何為法較若畫一曹參代之守而勿失載其

清淨民以寧壹

秋風詞

漢武帝故事曰帝行幸河東祠后土
顧視帝京忻然中流與群臣飲燕帝
歡甚乃自作秋風詞

秋風起兮白雲飛艸木黃落兮鴈南歸蘭有秀
兮菊有芳懷佳人兮不能忘汎樓船兮濟汾河
橫中流兮揚素波簫鼓鳴兮發擢歌歡樂極兮
哀情多少壯幾時兮柰老何

瓠子歌二首

史記河渠書漢武帝既封禪乃使汲
仁郭昌發卒數萬人塞瓠子決河後
上自臨祭泥白馬玉璧令群臣從官
皆負薪實決河時東都燒薪柴少乃
下淇園之竹以為楨天子悼功之不
成乃作歌二章於是卒塞瓠子築宮
其上曰
宣房宮

瓠子決兮將柰何浩浩洋洋兮慮殫為河殫為
河兮地不得寧功無已時兮吾山平吾山平兮
鉅野溢魚弗鬱兮柏冬日正道弛兮離常流蛟
龍騁兮方遠遊歸舊川兮神哉沛不封禪兮安
知外為我謂河伯兮何不仁汎濫不止兮愁吾

人鬻桑浮兮淮泗滿久不返兮水維緩
河湯湯兮激潺湲北渡回兮迅流難寒長菱兮
湛美玉河伯許兮薪不屬薪不屬兮衛人罪燒
蕭條兮意不所以禦水隕林竹兮楨石蓄宣防
塞兮天

天馬歌

漢武帝紀元鼎四年秋馬生渥洼中
作天馬之歌太初四年春貳師將軍
李廣利斬大宛王首獲汗
血馬來作西極天馬之歌

太乙况天馬下露赤汗沫流赭志儻精權奇

踏浮雲掩

鳥感友

上馳體容與世音萬里今安

匹龍為友

天馬徠從西極涉流沙九夷服天馬徠出泉水

虎脊兩化若鬼

變化如神

天馬徠歷無阜經千里循

東道天馬徠執徐時

歲在辰

將搖舉誰與期天馬

徠開遠門竦予身逝崑崙天馬徠龍之媒游閭

闔登玉臺

蒲稍天馬歌

史記樂書稱武帝伐大宛得千里馬

天馬徠兮從西極經萬里兮歸有德承靈威兮

降外國涉流沙兮四夷服

李夫人歌

漢書外戚傳曰孝武李夫人本以倡進初武帝愛其兄延年平陽公主因言延年有女弟帝乃召見之實妙麗善舞由是得幸夫人少而蚤卒帝思念不已方士齊人少翁言能致其神

迺夜張燈燭設帷帳陳酒肉而令帝居帷帳遙望見好女如李夫人之貌還幄坐而步人不得就視帝愈益相思悲感為作詩令樂府諸音家絃歌之

是邪非邪立而望之翩何姍姍其來遲

李延年歌

漢書外戚傳曰李延年性知音善歌舞武帝愛之嘗侍上起舞而歌延年後為協律都尉

北方有佳人絕世而獨立一顧傾人城再顧傾人國寧不知傾城與傾國佳人難再得

烏孫公主歌

漢書西域傳曰武帝元封中遣江都王建女細君為公主以妻烏孫王昆莫公主至其國自治宮室居歲時一再與昆莫會置酒飲食昆莫年老言語不通公主悲乃自作歌

吾家嫁我兮天一方遠託異國兮烏孫王穹廬為室兮旃為墻以肉為食兮酪為漿居常土思兮心內傷願為黃鵠兮歸故鄉

黃鵠歌

西京雜記始元元年黃鵠下太液池帝為此歌

黃鵠飛兮下建章羽肅肅兮行蹌蹌金為衣兮菊為裳唼喋荷荇出入蒹葭自顧非薄愧爾嘉祥

漢成帝時歌謠

漢書五行志成帝時歌謠也桂素色
漢家象華不實無嗣也王莽有謂
黃象黃爵
巢其顛也

邪徑敗良田讒言亂善人桂樹花不實黃爵巢
其顛昔為人所羨今為人所憐

城上烏童謠

後漢書五行志桓帝之初京都童謠
按此皆謂為政貪也城上烏尾畢通
者處高利獨食不與下共謂人主多
聚斂也公為吏子為徒者言蠻夷將
畔逆父既為軍吏其子又為卒我任
擊之也一徒死百乘車者言前一
往討胡既死矣後又遣百乘車在車
班班入河間者言桓帝將崩乘輿班

班入河間迎靈帝也河間姪女工
錢以錢為室金為堂者言靈帝既止
其母永樂太后好聚金以為堂也石
上慊慊春黃梁言永樂唯積金錢慊
慊常若不足吏人春黃梁而食之也
梁下有懸鼓我欲擊之丞卿怒者言
永樂教靈帝使賣官受錢所祿非其
人天下忠篤之士怨望欲擊懸鼓以
求見丞卿主鼓者亦復諂順怒而止
我也劉昭以為此謠後驗竟為靈帝
作言一徒似斥桓帝帝貴任群闒
委機收左右前後莫非刑人有同囚
徒之長故言寄一徒也且又弟則廢
黜身無嗣塊然單獨非一而何百乘
車者乃國之君解犢後徵正膺斯數
繼以班班沈得以類焉解犢靈帝所
也

城上烏尾畢逋公爲吏子爲徒一徒死百乘車
車班班入河間姹女工數錢以錢爲室金
爲堂石上慊慊春黃梁梁下有懸鼓我欲擊之
丞卿怒

鮑司隸歌

樂府廣題列異傳鮑宣宣子永永平
昱三世皆爲司隸而乘一驄馬京師
人歌

鮑氏驄三人司隸再入公馬雖瘦行步工

張堪歌

漢光武十五年張堪拜漁陽太守
視事八年匈奴不敢犯塞勸民耕稼
以致殷富百姓喜
其德政以歌之

桑無附枝麥穗兩岐張君爲政樂不可支

五噫歌

三輔決錄梁鴻東出關過京師作五
噫之歌肅宗聞而非之求鴻不得

陟彼北邙兮噫顧瞻帝京兮噫宮闕崔嵬兮噫
民之劬勞兮噫遼遼未央兮噫

鷄鳴歌

樂府廣題曰漢有雞鳴衛士主雞唱
宮外漢書曰高祖圍項羽垓下羽是

夜聞漢軍四面皆楚歌應劭曰楚歌者雞鳴歌也按周禮雞人掌大祭祀夜啼旦以詔百官則所起亦遠矣

東方欲明星爛爛汝南晨雞登壇喚曲終漏盡
嚴具陳月沒星稀天下旦千門萬戶遞魚鑰宮
中城上飛鳥鵲

岑君歌

後漢書岑熙為魏郡太守招聘隱逸與參政事無為而化視事二年輿人之歌

我有枳棘岑君伐之我有蠱賊岑君遏之狗吠

不驚足下生鼈含脯蔽腹焉知凶灾我喜我生
獨了斯時美矣岑君於戲休茲

郭喬卿歌

後漢書郭賀字喬卿建武中為尚書令在職六年拜荊州刺史到官有殊政百姓歌之顯宗巡狩到南陽特見嗟賞賜以三公之服敕行部去舊帷使百姓見其容服以章有德

厥德仁明郭喬卿中正朝廷天下平

皇甫嵩歌

後漢書皇甫嵩為冀州牧詰冀州一年田租以贍饑民百姓歌之

天下大治

天下大亂兮市為墟母不保子兮妻失夫賴得
皇甫兮復安居

劉君歌

後漢書劉陶舉孝廉除順陽長縣多
姦猾陶到官按發若神以病免吏民
思而歌之

邑然不樂思我劉君何時復來安此下民

洛陽令歌

長沙耆舊傳祝良字石卿為洛陽令
歲時亢旱天子祈雨不得良乃暴身
階庭告誠罪自晨至中紫
雲沓起

天久不雨烝人失所天王自出祝令特苦精符

感應滂沱下雨

滎陽令歌

殷氏世傳殷襄滎陽令廣築學館
會集朋徒民知禮讓乃歌之云

滎陽令有異政脩立學校人易性令我子弟耻

訟爭

京兆謠

續漢書曰李熒拜京兆詔發西園錢
熒上封事遂止不發吏民愛敬乃為
謠此

我府君道教舉恩如春威如虎剛不吐柔不茹
愛如母訓如父

東哲歌

晉書東哲曰陽平元城人太康中郡界大旱哲為邑人請雨三日而雨注衆謂哲誠感而為作歌

東先生通神明請天三日甘雨零我黍以育我
稷以生何以疇之報東長生

豫州歌

晉書祖逖為豫州刺史躬自儉約督課農桑充已務施不畜資產子弟第

耘負擔樵薪又叔葬枯骨為之祭百姓感悅嘗置酒大會耆老中坐流涕曰吾等老矣更得父母死將何恨乃作此歌其得人心如此

幸哉遺黎免俘虜三辰既朗遇慈父玄酒忘勞
甘瓠脯何以詠思歌且舞

應詹歌

晉書王澄為荊州牧應詹督南平天門武陵三郡軍事天下大亂詹竟有全百姓歌之

亂離既普殆為灰朽僥倖之運賴茲應父歲寒
不獨孤境獨守拯我塗炭惠隆丘阜潤同江海

恩猶父母

吳人誦

晉書鄧攸為吳郡守載米之官俸祿無所受唯飲吳水而已及去郡百姓數千人留奉攸船不得進乃以小舟夜中焚去吳人歌之

統如打五鼓雞鳴天欲曙鄧侯挽不留謝令推
不去

隴上詞

晉書載記曰劉曜圍陳安于隴安敗南走陝中羅使將軍平先伯率勁騎追安安與壯士十餘騎於陝中格戰安左手奮七尺大刀右手

丈八蛇矛近交則刀矛俱發輒害五六遠則雙帶鞬服左右馳射而走平先亦壯健絕人與安搏戰三交奪其蛇矛而退遂追斬于澗曲安善於撫接吉凶夷險與衆同之及其死隴上為之歌懼聞而嘉傷命樂府歌之

隴上壯士有陳安軀幹雖小腹中寬愛養將士
同心肝驍驄父馬鐵鍛鞍七尺大刀奮如湍丈
八蛇矛左右盤十盪十決無當前戰始三交失
蛇矛棄我驍驄竄巖幽為我外援而懸頭西流
之水東流河一去不還柰子何

裴公歌

裴公歌

裴
北史曰裴俠為河北郡守躬履儉素
愛民如子郡舊有漁獵夫三十人以
供郡守俠曰以口腹役人吾所不為
也悉罷之又有丁三十人供郡守役
俠亦罷之不以入私並收庸為市官
馬歲時既積馬遂成馬群去職之日
一無所取
民歌之云

肥鮮不食丁庸不取裴公貞惠為世規矩

救勒歌

樂府廣題曰北齊神武攻周玉璧士
卒死者十四五神武恚憤疾發周王
下令曰高歡鼠子親犯玉璧劍弩一
發元凶自斃神武聞之勉坐以安士
衆悉引諸貴使解律金唱救勒神武
自知之其歌本鮮卑語易為齊言故

其句長
短不齊

救勒川陰山下天似穹廬籠蓋四野天蒼蒼野
茫茫風吹草低見牛羊

東征歌

隋王通

杜淹文中世家曰隋仁壽中文中子
西游長安見文帝奏太平十有二策
帝下其議於公卿公卿不悅文中子
知謀之不用作東征之歌而歸帝聞
而再徵
之不至

我思國家兮遠遊京畿忽逢帝王兮降禮布衣
遂懷古人之心兮將興太平之基時異事變兮

志乖願違吁嗟道之不行兮垂翅東歸皇之不
斷兮將身西飛

滠預歌

酈道元水經注曰白帝山城水門之
西江中有孤石名滠豫石水冬出二
十餘丈夏則沒亦有裁出焉江水東
逕廣峽溪乃三峽晉之也峽中有瞿
塘黃龕二灘夏水回復公沂所忌十
道志曰滠豫石與城郭門外石潛通
蜀人在燒火伏石則滠預邊沸國史
補曰蜀之三峽最號峻急四月五月
尤險故行者歌之滠
或作滠預或作豫

滠預大如馬瞿唐不可下

滠預大如牛瞿唐不可流

滠預大如服瞿塘不可觸金沙浮轉多桂浦忌
經過

挾瑟歌

春風宛轉入曲房兼送小苑百花香白馬金鞍
去未返紅妝玉筯下成行

靈芝歌

因靈寢兮產靈芝象三德兮瑞應圖延壽命兮
光此都配上帝兮象太微參日月兮揚光輝

古樂府卷之二
因靈寤兮茲靈之象三靈兮誰歟圖以善命兮

靈寤之烟

去未交兮殊王淮下如許

春風吹轉入曲氣寒幾小夜百林香白馮金輝

對瑟烟

出前大吹耶響數不四離金少我轉多封術忌

古樂府卷之一終不四氣

古樂府卷之二

元 豫章左克明編次

大明 新安王文元校刊

鼓吹曲

鏡歌

朱鷺

炎精缺

朱路篇

戰榮陽

楚之平

靈之祥

思悲翁

漢之季

宣受命

思悲公篇

艾如張

獲呂布

攄武師

征遼東

擬題 二首

土之回

克官渡

伐烏林

宣輔政

翁離

舊邦

秋風 王文元對賦

時運多難

雍離 王文元對賦

戰城南

定武功

克皖城

景龍飛 景龍篇

戰城南篇

巫山高

屠柳城

關背德

平玉衡

巫山高篇

擬題 二首

上陵 上陵篇

平南荆

通荆門

文皇統百揆

上陵者篇

將進酒

平關中

章洪德 章洪德篇

因時運

將進酒篇

擬題

君馬黃

金靈運

君馬篇百刻

芳樹首篇

邕熙

承天命

天序二首

芳樹篇二首

有所思

應帝期篇

從歷數

惟庸蜀

有所思篇二首

雉子班

於穆我皇

雉子遊原澤篇

聖人出古今之

仲春振旅書曰

上邪

太和

玄化少

大晉承運期

上邪篇

臨高臺

夏苗田東

臨高臺篇二首

遠如期如未

仲秋獮田帝如

遠期篇田一曰

石流

順天道

石流篇

唐堯

玄雲

伯益

鈞竿 四音

鼓吹曲歌辭

鼓吹曲一曰短簫鏡歌劉瓛定軍禮
表云鼓吹未知其始或曰黃帝岐伯所
夏作以建威揚德風敵勸士蔡邕禮樂
志曰漢樂四品其四曰短簫鏡歌軍
樂也建初伎錄云列于殿庭者名鼓
吹按孫權觀魏武帝軍作鼓吹而還
此應是今之鼓吹晉中興書曰漢武

帝時南越加置七郡皆假鼓吹班超
拜長史假鼓吹麾幢則短簫鏡歌漢
時已名鼓吹不自魏晉始也西京雜
記漢大駕祠甘泉汾陰備千乘萬騎
有黃門前後部鼓吹則不獨列于殿
庭者名鼓吹也古今註曰漢樂有黃
門鼓吹而短簫鏡歌鼓吹之一章爾
然則黃門鼓吹短簫鏡歌與橫吹曲
得通名鼓吹但所用異爾漢有二十

二曲列于鼓吹謂之饒歌而存者十
八篇曰朱鷺思悲翁艾如張上之回
擁離戰城南巫山高上陵將進酒君
馬黃芳樹有所思雉子班聖人出北
邪臨高臺遠如期石留而務成玄雲
黃雀釣竿四篇其辭已亡魏文帝受
命使繆襲改造十二曲曰楚之平戰
滎陽獲呂布克官渡舊邦定武功屠
柳城平南荆平關中應帝垣盜賊大

和吳亦令韋昭改製十二曲曰炎精
缺漢之季攄武師伐烏林秋風克皖
城關背德通荆門章洪德從歷數承
天命玄化而君馬黃雉子班聖人出
臨高臺遠如期石流務成玄雲黃雀
釣竿十曲竝仍其舊名晉武帝受禪
命傅玄製二十二曲曰靈之祥宣受
命征遼東宣輔政時運多難景龍飛
平玉衡文皇統百揆因時運惟庸蜀

天序大晉承運期金靈運於穆我皇
 仲春振旅夏苗田仲秋獮田順天道
 唐堯玄雲伯益鈞竿而玄雲鈞竿名
 不改舊宋何承天於義熙末年秋製
 十五篇皆擬漢舊名大抵別增新意
 其義與古辭不合疑未嘗被於歌聲
 也如齊王融謝朓梁昭明太子統范
 雲陳蘇子卿等追擬古題立義不同
 今取其一二列于篇次以便觀覽

樂歌

朱鷺

此蓋因飾鼓以鷺而名曲焉魏繆襲
 改朱鷺為楚之平吳常昭改為炎精
 缺言漢室衰孫堅奮迅猛志念在匡
 救王迹也晉傅玄改為靈之祥言宣
 皇帝之佐魏猶虞舜之事堯也既有
 石瑞之徵又能用武以誅孟度之逆
 命也宋何承天朱鷺篇曰朱鷺楊和
 鸞翠蓋耀金華但稱路車之美與漢

曲異

朱鷺魚以鳥路訾邪鷺何食食茄下不之食不

以吐將以問誅一作者

魏繆襲

楚之平一作初

魏繆襲

未楚之平義兵征神武奮金鼓鳴邁武德揚洪
名漢室微社稷傾皇道失怙與靈閣官熾群
雄爭邊韓起亂金城中國擾無紀經赫武皇
起旗旌麾天下天下平濟九州九州寧創武
功武功成越五帝邈三王興禮樂定紀綱普
日月齋輝光

炎精缺

吳韋昭

炎精缺漢道微皇綱弛政德違衆姦熾民罔

依赫武烈越龍飛陟天衢耀靈威鳴雷鼓抗
電麾撫乾衡鎮地機厲虎旅騁能寵發神聽
吐英奇張角破邊韓羈宛頽平南土綏神武
章渥澤施金聲震仁風馳顯高門啓皇基統
罔極垂將來

靈之祥

晉傅玄

靈之祥石瑞章旌金德出西方天降命授宣
皇應期運時龍驤繼大舜佐陶唐讚文武建
帝綱孟氏叛據南疆追有扈亂五常吳寇勁

蜀虜疆交誓盟連遐荒宣赫赫奮鷹揚震乾
威曜電光陵九天陷石城梟逆命拯有生萬
國安四海寧

朱路篇

宋何承天

朱路揚和鸞翠蓋耀金華玄牡飾樊纓流旌
拂飛霞雄戟闢曠塗班劍翼高車三軍且莫
喧聽我奏鏡歌清鞞驚短簫朗鼓節鳴笳人
心惟愷豫茲音亮且和輕風起紅塵淳濶發
微波逸韻騰天路積響結城阿仁聲被八表

威震振九遐嗟嗟介胄士勛哉念皇家

思悲翁

漢古辭

此漢古辭魏改為戰榮陽言曹公也
吳改為漢之季言孫堅悼漢之微痛
董卓之亂興兵奮擊功蓋海內也晉
曰宣受命言宣皇帝禦諸葛亮養威
重運神兵亮震怖死也宋
何承天以為思悲翁公篇

思悲翁唐思奪我美人侵以遇悲翁也但我思

蓬管一作狗逐狡兔食交君梟子五梟母六拉

杳高飛暮安宿

戰榮陽

魏繆襲

戰滎陽汴水陂戎士憤怒貫甲馳陣未成退
徐榮二萬騎塹壘平戎馬傷六軍驚勢不集
衆幾傾白日沒時晦冥顧中牟心屏營同盟
疑計無成賴我武皇萬國寧

漢之季

吳韋昭

漢之季董卓亂栢栢武烈應時運義兵血雲
旗建厲六師羅八陣飛鳴鏑接白刃輕騎發
介士奮醜虜震使衆散劫漢王遷西館雄豪
怒元惡憤赫赫皇祖功名聞

宣受命

晉傅玄

宣受命應天機風雲時動神龍飛禦諸葛鎮
雍梁邊境定夷夏康務節事勤定傾攬英雄
保持盈淵穆穆赫明明沖而泰天之經養威
重運神兵亮乃震斃一作死天下寧

思悲公篇

何承天

思悲公懷哀衣東國何悲公西歸公西歸流
二叔幼主旣悟偃禾復偃禾復聖志申營都
新邑從斯民從斯民德惟明制禮作樂興頌

聲與頌聲致嘉祥鳴鳳爰集萬國康萬國康

猶弗已握髮吐食不群士惟我君繼伊周親

親盛世復何求

艾如張

漢古辭

古詞曰艾而張羅又曰雀以高飛柰雀何穀梁傳艾蘭以為防置旃以為

轅門謂因蒐狩以習武事也魏敗為獲呂布言曹公東圍臨淮生擒呂布

也吳曰擄武師言孫權卒父之業而征伐也晉曰征遼東言宣皇帝臨大

海之表討滅公孫淵而梟其首也蘇子卿云張機蓬艾側宋古詞曰幾令

吾呼歷會俱矣古題本意

聲相傳訓詁不可復解但俱失古題本意

艾而張羅夷於何行成之四時和山出黃雀亦

有羅雀以高飛柰雀何為此倚欲誰肯矇室

獲呂布

魏繆襲

獲呂布戮陳宮艾夷鯨鯢驅騁群雄囊括天

下運掌中

擄武師

吳韋昭

擄武師斬黃祖擄夷凶族葦平西夏炎炎大

烈震天下

征遼東

晉傅玄

征遼東敵失據威靈邁日域公孫既授首群
逆破膽咸震怖朔北響震海表景附武功赫
赫德雲布

擬題

陳蘇子卿

誰在閉門外羅家諸少年張機蓬艾側結網
槿籬邊若能飛自免豈為繒所纏青雀倘為
誠朱絲猶可延

宋古辭

幾令吾呼曆舍居執來隨咄武子邪令烏銜
針相風其右其右解一幾令吾呼群議破胡執
來隨吾咄武子邪令烏今烏今臚入海相風
及後解二幾令吾呼無公赫吾執來隨吾咄武
子邪令烏無公赫吾媮立諸布始布解三

上之回

漢古辭

漢武帝元封初因至雍遂通回中道
後數遊幸焉其歌稱帝遊石關望諸
國月支臣匈奴服皆美當時事也魏
改為克官渡言曹公與袁紹戰破之
於官渡也吳曰伐烏林言魏武既破
荊州順流東下欲來爭鋒孫權命將

周瑜逆擊之於烏林而破走也晉曰
宣輔政言宣皇帝聖道深遠撥亂反
正網羅文武之才以定二儀之序也

上之回所中益夏將至行將北以承甘泉宮寒

暑德遊石關聖諸國月支臣匈奴服令從百官

疾駢馳千秋萬歲樂無極

克官渡晉書無公孫操來魏繆襲元

克紹官渡由白馬僵屍流血被原野賊衆如

犬羊王師尚寡沙塹傍風飛揚轉戰不利士

卒傷今日不勝後何聖主出地道不可當矣

勝大捷震冀方屠城破邑神武遂章

伐烏林

吳韋昭

曹操北伐拔柳城乘勝席捲遂南征劉氏不

睦八郡震驚衆旣降操屠荆舟車十萬揚風

聲議者狐疑慮無成賴我大皇發聖明扇臣

雄烈周與程破操烏林顯章功名

宣輔政

晉傅玄

宣皇輔政聖烈深撥亂反正從天心網羅文

武才慎厥所生所生賢遺教施安土治民化

風移肇創帝基洪業垂於鑠明明時赫戲功
濟萬世定二儀定二儀雲澤雨施海外風馳

翁離

漢古辭

一作雍離一作擁離魏改曰舊邦言曹公勝袁紹於官渡還譙收藏死亡士卒也吳曰秋風言孫權悅以使民民忘其死也晉曰時運多難言宣皇致討吳方有征無戰也何承天云雍士離心義稍異

擁離趾中可築室何用葺之蕙用蘭擁離趾中

舊邦

魏繆襲

舊邦蕭條心傷悲旅魂翩翩當何依遊士戀

故涕如摧兵起事大令願違傳求親戚在者

誰立廟置後魂來歸二曰魂來求歸

秋風

吳韋昭

秋風揚沙塵寒露沾衣裳角弓持弦急鳩鳥
化爲鷹邊垂飛羽檄寇賊侵界疆跨馬披介
冑慷慨懷悲傷辭親向長路安知存與亡窮
達固有分志士思立功思立功邀之戰場身
逸獲高賞身沒有遺封

時運多難

晉傅玄

時運多難道教痛天地變化有盈虛養靈爾吳
蠻虜視江湖我皇赫斯致天誅有征無戰弭
其圖天威橫被廓東隅

雍離篇

何承天

雍士多離心荆民懷怨情二凶不量德構難
稱其兵王人銜朝命正辭糾不庭上宰宣九
伐萬里舉長旌樓船掩江濱駟介飛重英歸
德戒後夫賈勇尚先鳴逆徒既不濟愚智亦
相傾霜鋒未及染郢郢忽已清西川無潛鱗

北渚有奔鯨凌威致天府一戰夷三城江漢
被美化宇宙歌太平惟我東郡民曾是深推

誠

戰城南

漢古辭

其詞大畧言戰城南死郭北野死不
葬為鳥鳥所食願為忠臣朝出攻戰
而暮不得歸也魏改為定武功言曹
公初破鄴武功之定始乎此也吳曰
克皖城言魏武志圖并兼而令朱光
為廬江太守孫權親征光破之於皖
城也晉曰景龍飛言景帝克明威教
賞從夷逆祚隆無疆崇此洪基也宋
何承天擬題以為士卒
勇於赴敵而有成功也

古樂府 卷二
戰城南死郭北野死不葬烏可食爲我謂烏且
爲客豪野死諒不葬腐肉安能去子逃水深激
激蒲葦冥冥梟騎戰鬪死駑馬徘徊鳴梁築室
何以南梁何北禾黍不穫君何食願爲忠臣安
可得思子良臣良臣誠可思朝行出攻暮不夜
歸

定武功

魏繆襲

定武功濟黃河河水湯湯日暮有橫流波袁
氏欲衰兄弟尋干戈决漳水水流滂沱嗟城

中如流魚誰能復顧室家計窮慮盡求來連
和和不時心中憂戚賊衆內潰君臣奔北拔
鄴城奄有魏國王業艱難覽觀古今可爲長
嘆

克皖城

吳韋昭

克滅皖城遏寇賊惡此凶孽阻姦慝王師赫
征衆傾覆除穢去暴戢兵革民得就農邊境
息誅君弔民昭至德

景龍飛

晉傅玄

景龍飛御天威聰鑒玄察動與神明協機從
之者顯逆之者滅夷文教敷武功巍普被四
海萬邦望風莫不來綏聖德潛斷先天弗遠
弗遠祥享世永長猛以致寬道化光赫明明
祚隆無疆帝績惟期有命既集崇此洪基

戰城南篇

何承天

戰城南衝黃塵丹旌電燧鼓雷震勅敵猛戎
馬殷橫陣巨野若屯雲仗大順應三靈義之
所感士忘生長劍擊繁弱鳴飛鏑炫晃亂奔

星扇騎躍華眊旋朱火延起騰飛煙驍雄斬
高旗舉長角浮叫響清天夷群寇殪逆徒餘
黎霑惠詠來蘇奏愷樂歸皇都班爵獻俘邦
國娛

巫山高

漢古辭

古詞大畧言江淮水深無梁可度臨
水遠望思歸而已魏改為屠柳城言
曹公越北塞歷白檀破三郡烏桓於
柳城也吳曰關背德言蜀將關羽背
棄吳德心懷不軌孫權引師浮江而
擒之也晉曰平玉衡言景帝一萬國
之殊風齊四海之乖心禮賢養士而
纂洪業也宋何承天以李氏恃險為

晉所滅也若齊王融想像巫山高梁范雲巫山高不極雜以陽臺神女之事無復遠道望歸之思也

巫山高高以大淮水深難以逝我欲東歸害梁不為我集無高曳水何梁湯湯回回臨水遠望泣下沾衣遠道之人心思歸謂之何

屠柳城

魏繆襲

屠柳城功誠難越度隴塞路漫漫北踰岡平但聞悲風正酸蹋頓授首遂登白狼山神武懋海外永無北顧患

關背德

吳韋昭

關背德作鴟張割我邑城圖不祥稱兵北伐圍樊襄陽嗟臂大於股將受其殃魏魏夫聖主睿德與玄通與玄通親任呂蒙泛舟洪汜池湖涉長江神武一何栢栢聲烈正與風翔歷撫江安城大據郢邦虜羽授首百蠻咸來同盛哉無比隆

平玉衡

晉傅玄

平玉衡紮姦回萬國殊風四海乖禮賢養士

麟御英雄思心齊纂戎洪業崇皇階品物咸
亨聖敬日躋聰鑒盡下情明明綜天機

巫山高篇

何承天

巫山高三峽峻青壁千尋深谷萬仞崇巖冠
靈林冥冥山禽夜響晨猿相和鳴洪波迅洑
載逝載停悽悽商旅之客懷苦情在昔陽九
皇綱微李氏竊命宣武耀靈威蠢爾逆縱復
踐亂機王旅薄伐傳晉來至京師古之為國
惟德是貴力戰而虐民鮮不顛墜矧乃叛戾

伊胡能遂咨爾巴子無放肆

王融

想像

一作髮髯

巫山

高薄暮陽臺曲煙雲乍舒卷

猿鳥時斷續

一作煙華乍卷舒行芳時斷續

彼美如可期寤

言紛在矚憮然坐相望秋風下庭綠

范雲

巫山高不極白日隱光輝靄靄朝雲去溟溟
暮雨歸巖懸獸無跡林暗鳥疑飛枕席竟誰
薦相望空依依

上陵

漢古辭

古今樂錄曰漢章帝元和中
 有宗廟食舉共六曲加重來上陵
 二曲為上陵食舉後漢書禮儀志曰
 正月上丁祠南郊次北郊明堂高廟
 世祖廟謂之五供禮畢以次上陵西都
 舊有上陵東都之儀太官上食太常樂奏
 食舉按古詞大畧言神仙事不知與食
 舉曲同否魏改曰平南荆言曹公南
 平荆州也吳曰通荆門言孫權與蜀
 交好齊盟中有關羽自失之愆戎蠻
 樂亂生變作患蜀疑其眩吳惡其詐
 乃大治兵終復初好也晉曰文皇統
 百揆言文皇帝始統百揆用人有序
 以敷太平之化也宋何承天曰上陵
 者相追攀但言升高墜遠傷時怨歎而已

上陵何美美下津風以寒問客從何來言從水

中央桂樹為君船青絲為君竿木蘭為君櫂黃

金錯其間滄海之雀赤翅鴻白鴈隨山林乍開

乍合曾不知日月明醴泉之水光澤何蔚蔚芝

為車龍為馬覽遨遊四海外甘露初二年芝生

銅池中仙人下來飲延壽千萬歲

平南荆

魏繆襲

南荆何遼遼江漢濁不清菁茅久不貢王師

赫南征劉琮據襄陽賊備屯樊城六軍廬新

野金鼓震天庭劉子面縛至武皇許其成撫

其民陶陶江漢間普為大魏臣大魏臣向風

思自新思自新齊功古人在昔虞與唐大魏

得與均多選忠義士為喉唇天下一定萬世

無風塵

通荆門

吳韋昭

荆門限巫山高峻與雲連蠻夷阻其險歷世

懷不賓漢王據蜀郡崇好結和親乖微中情

疑讒夫亂其間大皇莽斯怒扁臣勇氣震

滌幽數討不恭觀兵揚炎耀厲鋒整封疆整

封疆闡揚威武容功赫戲洪烈炳章

皇世聖吳同厥風荒裔望清化化恢弘煌煌

大吳延祚永未央

文皇統百揆

晉傅玄

文皇統百揆繼天理萬方武將鎮四隅英佐

盈朝堂謀言協秋蘭清風發其芳洪澤所漸

潤襟石為珪璋大道侔五帝盛德踰三王咸

光大上參天與地至化無內外無內外六合

並康又並康又邁茲嘉會在昔義與農大晉
德斯邁鎮征及諸州爲蕃衛玄功濟四海洪
烈流萬世

上陵者篇

何承天

上陵者相追攀被服纖麗振綺紈携童幼升
崇岫南望城闕鬱盤桓王公第通衢高夢
華屋列朱軒臨瀆谷掇秋蘭士女悠爽映隈
原指營丘感牛山爽鳩旣沒景君嘆嗟歲聿
逝不還志氣衰且玄鬢髮在野莽宿墳土乾

此纍纍中心酸生必死亦何怨取樂今日展
情權

將進酒

漢古辭

古詞曰將進酒乘太白大畧以飲酒
放歌爲言魏改爲平關中言曹公征
馬超定關中也吳曰章洪德言孫權
章其大德而遠方來附也晉曰因時
運言文皇帝因時運變聖謀潛施解
長蛇之交離群桀之黨以武濟文審
其大計以邁其德也宋何承天曰將
進酒慶三朝備繁禮薦嘉肴則言朝
會進酒且以濡首荒志爲戒若梁昭
明太子云洛陽輕薄子但敘遊樂飲
酒而已

將進酒乘太白辨佳哉詩審博放故歌心所作
同陰氣詩悉索使禹良工觀者苦

平關中

魏繆襲

平關中路向潼濟濁水立高墉闔韓馬離群
凶選驍騎縱兩翼虜崩潰級萬億

章洪德

吳韋昭

章洪德邁威神感殊風懷遠鄰平南裔齊海
濱越裳貢扶南臣珍貨充庭所見日新

因時運

晉傅玄

因時運聖策施長蛇交解群桀離勢窮奔吳
扁騎厲惟武進審大計時邁其德清一世

將進酒篇

何承天

將進酒慶三朝備繁禮薦嘉肴榮枯換霜霧
交緩春帶命朋僚車等旗馬齊鑣懷溫克樂
林濠士失志愠情勞思旨酒寄遊遨敗德人
甘醇醪耽長夜或淫妖興屢舞厲哇謠形傴
傴聲號呶首旣濡志亦荒性命夭國家亡嗟
後生節酖觴匪酒辜孰爲殃

梁昭明太子

洛陽輕薄子長安遊俠兒宜城溢渠椀中山

浮羽卮

君馬黃

漢古辭

初言君馬黃臣馬蒼二馬同逐臣馬良終言美人歸以南歸以北駕車馳馬令我心傷而晉改為金靈運則言聖皇踐祚致敬宗廟而孝行於天下也而宋何承天止言馬而已

君馬黃臣馬蒼二馬同逐臣馬良易之有騮蔡有赭美人歸以南歸車馳馬美人傷我心佳人

歸以北駕車馳馬佳人安終極

金靈運

晉傅玄

金靈運天符發聖徵見參日月惟我皇體神聖受魏禪應天命皇之興靈有徵登天麓御萬乘皇之輔若闕虎爪牙奮莫之禦皇之佐讚清化百事理萬邦賀神祇應嘉瑞章恭享禮薦先皇樂時奏磬管鏘鼓淵淵鍾鏗鏗奠樽俎實玉觴神歆饗咸悅康宴孫子祐無疆大孝烝烝德教被萬方

君馬篇

何承天

君馬麗且閑揚鑣騰逸姿駿足躡流景高步
追輕飛冉冉六轡柔奕奕金華暉輕霄羽翼
蓋長風靡淑旂願為范氏驅雍容步中畿豈
效詭遇子馳騁趣危機鈇陵策良駟造父為
之悲不怨吳坂峻但恨伯樂稀救彼岐山盜
實濟韓原師柰何漢魏主縱情營所私疲民
甘藜藿廐馬患盈人畜智厥養蒼生將焉

芳樹

漢古辭

古詞云妬人之子愁殺人君有他心
樂不可禁魏改曰邕熙言魏氏臨其
國君臣邕穆庶績咸熙也吳曰承天
命言上以聖德踐位道化至盛也晉
曰天序言聖皇應歷受禪弘濟大化
用人各盡其才也何承天擬題止言
芳樹而佳人之傷時而已若王融相
思早春日謝眺早翫華池陰但言時
莫衆芳歇
絕而已

芳樹日月君亂如於風芳樹不止無心温温而鵠
三而為行臨蘭池心中懷我悵心不可匡目不
可顧妬人之子愁殺人君有他心樂不可禁王

將何偕如孫如魚乎悲矣自此以樂不阿禁王
三而為邕熙爾也心中對非對以不魏繆襲不
邕熙君臣念德天下治登帝道獲瑞寶頌聲
並作洋洋浩浩吉日臨高堂置酒列名倡歌
聲一何紆餘雜笙簧八音諧有紀綱子孫永
建萬國壽考樂無央

承天命

吳韋昭

承天命於昭聖德三精垂象符靈表德巨石
立九穗植龍金其鱗烏赤其色與人歌億夫

嘆息超龍升襲帝服窮淳懿體玄嘿夙興臨
朝勞謙日昊易簡以崇仁放遠讒與慝舉賢
才親近有德均田疇茂稼稽審法令定品式
考功能用黜陟人思自盡唯心與力家國治
王道直思我帝皇壽萬億長保天祿祚無極
天序

天序

晉傅玄

天序歷應受禪承靈祐御群龍勒螭扇弘濟
大化英雋作輔明明統萬機赫赫鎮四方咎
繇稷契之疇協蘭芳禮王臣覆兆民化之如

天與地誰敢愛其身

大小芳樹篇

神即即萬物赫赫何承天

芳樹生北庭豐隆正徘徊翠穎陵冬秀紅葩

迎春開佳人間幽室惠心婉以諧蘭房掩綺

幌綠草被長階日夕遊雲際歸禽命同棲皓

月盈素景涼風拂中閨哀絃理虛堂要妙清

且悽嘯歌流激楚傷此碩人懷梁塵集丹帷

微飈揚羅鞋豈怨嘉時暮徒惜良願乖

王融

相望早春日煙華雜如霧復此佳麗人含情

結芳樹綺羅已自憐萱風多有趣去來徘徊

者佳人不可遇

謝朓

早翫華池陰復影滄洲柅椅柅芳若斯歲華

紛可結霜下桂枝鋪怨與飛蓬折不則玉盤

滋誰憐終委絕

有所思

漢古辭

其詞大畧言有所思乃在大海南何用問遺君雙珠璣瑁簪聞君有他心

燒之當風揚其灰魏略曰應帝期言文帝以聖德受命應運期也吳曰從歷數言孫權從圖籙之符而建大號晉曰惟庸蜀言文皇帝既平萬乘之蜀封建萬國復五等之爵宋何承天惟言孝養若王融如何有所思梁劉繪別離安可再但言離思而已

有所思乃在大海南何用問遺君雙珠瑋瑁簪
用玉紹繚之聞君有他心拉雜摧燒之摧燒之
當風揚其灰從今已往勿復相思想思與君絕
雞鳴狗吠兒嫂當知之妃呼豨秋風蕭蕭晨風
東方須臾高知之

應帝期

魏繆襲

應帝期於昭我文皇歷數承天序龍飛自許
昌聰明昭四表恩德動遐方星辰為垂耀日
月為重光河洛吐符瑞草木挺嘉祥麒麟步
郊野黃龍遊津梁白帟依山林鳳凰鳴高岡
考圖定篇籍功配上古義皇義皇無遺文仁
聖相因循期運三千歲一生聖明君堯授舜
萬國萬國皆附親四門為穆穆教化常如神
大魏興盛與之為鄰

大觀從歷數

吳韋昭

從歷數於穆我皇帝聖哲受之天神明表奇
異建號創皇基聰睿協神思德澤浸及昆蟲
浩蕩越前代三光顯精耀陰陽稱至治肉角
步郊畛鳳凰棲靈囿神龜游沼池圖讖摹文
字黃龍覲鱗符祥日月記覽往以察今我皇
多噲事上欽昊天象下副萬姓意光被彌蒼
生家戶蒙惠賚風教肅以平頌聲章嘉喜大
吳隆綽有餘裕

惟庸蜀

晉傅玄

惟庸蜀僭號天一隅劉備逆帝命禪亮承其
餘擁衆數十萬闕隙乘我虛驛騎進羽檄天
下不遑居姜維屢寇邊隴上爲荒蕪文皇愍
斯民歷世受罪辜外謨蕃屏臣內謀衆士夫
爪牙應指授腹心獻一作良圖良圖協成文
大一作興百萬軍雷鼓震地起猛勢陵浮雲
逋虜畏天誅面縛造壘門萬里同風教逆命
稱妾臣光建五等紀綱天人

有所思篇

宋何承天

有所思思昔人曾閱二子善養親和顏色奉
晨昏至誠烝烝通明神鄒孟軻為齊卿稱身
受祿不貪榮道不用獨擁楹三徒既諄禮義
明飛鳥集猛獸附功成事畢乃更娶哀我生
溝凶旻幻罹荼酷備艱辛慈顏絕見無因長
懷永思託丘墳

對書留贊詠天

王融

如何有所思而無相見時宿昔夢顏色階庭
尋履基高張更何已引滿終自持欲知憂能
老為視鏡中絲

劉繪

別離安可再而我更重之佳人不相見明月
空在帷共銜滿堂酌獨斂向隅眉中心亂如
雪寧知有所思

雉子班

漢古辭

古詞云雉子高飛止黃鵠飛之以千
里雄來飛從雌晉改曰於穆我皇言
聖皇受命德合神明也宋何承天曰
雉子遊原澤篇則言避世之士抗志

清霄其視卿相功名猶冰炭之不相入也

雉子班如此之干雉梁無以吾翁孺雉子知得
雉子高飛止蓄鵠飛之以千里王可思雄來飛
從雌視子趨一雉雉子車大駕馬滕被王送行
所中堯羊蜚從王孫行

於穆我皇

晉傅玄

於穆我皇盛德聖且明受禪君世光濟群生
普天率土莫不來庭顛顛六合內望風仰泰
清萬國雍雍頌聲大化洽地平而天成七

政齊玉衡惟平峨峨佐命濟濟群英夙夜乾
乾萬機是經雖治興匪荒寧謙道光冲不盈
天地合德日月同榮赫赫煌煌曜幽冥三光
克從於顯天垂景星龍鳳臻甘露宵零肅神
祇祇上靈萬物欣戴自天効其成

雉子遊原澤篇

何承天

雉子遊原澤幼懷耿介心飲啄雖勤苦不願
棲園林古有避世士抗志清霄岑浩然寄卜
肆揮棹通川陰逍遙風塵外散髮撫鳴琴卿

相非所眄何況於千金功名豈不美寵辱亦
相尋冰炭結六府憂虞纏胸襟當世須大度
量已不克任三復泉流誠自驚良已深

聖人出

漢古辭

漢古辭言聖人出陰陽和君之臣明
護不道晉曰仲春振旅言大晉申文
武之教政星謂鳳紘甘露言冬肅物
備以時也

聖人出陰陽和美人出遊九河佳人來駢離我
何駕六飛龍四時和君之臣明護不道美人哉
且天子免甘星筮樂甫始美人于舍四海

仲春振旅

晉傳玄

仲春振旅大致民武教於時日新師執提工
執鼓坐作從節有序盛矣允文允武蒐田表
馮申法誓遂圍禁獻社祭允以時明國制文
武並用禮之經列車如戰大教明古今誰能
去兵大晉繼天濟群生

上邪

漢古辭

漢古辭云上邪我欲與君相知長命
無絕衰魏改曰太和言明帝繼體承
統太和改元德澤流布也吳曰玄化
言上脩文訓武則天而行仁澤流洽

天下喜樂也晉曰大晉承運期言聖
皇應錄受圖化象神明也何承天上
邪篇上邪下難
正與古辭異矣

上邪我欲與君相知長命無絕衰山無陵江水
為竭冬雷震震夏雨雪天地合乃敢與君絕

左並太和

魏繆襲

惟太和元年皇帝踐祚聖且仁德澤為流布
災蝗一時為絕息上天時雨露五穀溢田疇
四民相率遵軌度事務激清天下獄訟察以
情元晉明魏家如此那得不太平晉書文

玄化

吳章昭

玄化象以天陛下聖真張皇綱率道以安民
惠澤宣流而雲布上下睦親君臣酣宴樂激
發弦歌揚妙新修文籌廟勝須時備駕巡洛
津康哉泰四海歡忻越與三五鄰

大晉承運期

晉傅玄

大晉承運期德隆聖皇時清晏白日垂光應
錄圖陟帝位繼天正玉衡化行象神明至哉
道隆虞與唐元首敷洪化百寮股肱並忠良

時大康隆隆赫赫福祚盈無疆

上邪篇

何承天

上邪下難正衆枉不可矯音和響必清端影
緣直表大化揚仁風齊人猶偃草聖王既已
沒誰能弘至道開春湛柔露代終肅嚴霜承
平貴孔孟政弊侯申商孝公明賞罰六世猶
克昌李斯肆濫刑秦民所以亡漢宣隆中興
魏祖寧三方譬彼鍼與石效疾而稱良行葦
非不厚悠悠何詎央琴瑟時未調改弦當更

張矧乃治天下此要安可忘

臨高臺

漢古辭

漢古詞大畧言臨高臺臺下水清且
寒江有香草日以蘭黃鵠高飛離哉
翻關弓射鵠令我主萬年晉曰夏苗
田言大晉政狩順時為苗除害也何
承天云飄然輕舉凌太虛言仙道也
謝眺云千里常思歸但言臨聖傷懷
與古詞意
並不同

臨高臺以軒下下有清水清且寒江有香草目
以蘭黃鵠高飛離哉翻關弓射鵠令我主壽萬
年收中吾

中夏苗田

晉傅玄

夏苗田運將祖軍國異容文武殊乃命群吏
撰車徒辨其號名讚契書王軍啓八門行同
上帝居時路建大麾雲旗翳紫虛百官象其
事疾則疾徐則徐回衡旋軫罷陳弊車獻禽
享祠烝烝配有虞惟大晉德參兩儀化雲敷

臨高臺篇

何承天

臨高臺望天衢飄然輕舉陵太虛携列子超
帝鄉雲衣雨帶乘風翔肅龍駕會瑤臺清暉

浮景溢蓬萊濟西海濯洎盤佇立雲岳結幽
蘭馳迅風遊炎州願言桑梓思舊遊傾霄蓋
靡電旌降彼天塗頽窈冥辭僊族歸人群懷
忠抱義奉明君任窮達隨所遭何爲遠想令
心勞

謝朓

千里常思歸登臺臨綺翼纔見孤鳥還未辨
連山極四面動清風朝夜起寒色誰知倦遊
者嗟此故鄉憶

遠如期

漢古辭

一曰遠期宋書樂志有晚芝曲古今樂錄曰漢太樂食舉曲有遠期至魏省之晉曰仲秋彌田言大晉雖有文德不廢武事順時以殺伐也宋何承天云遠期千里客肅駕候良辰與古辭不同矣

遠如期益如壽處天左側大樂萬歲與天無極
雅樂陳佳哉紛單于自歸動如驚心虞心大佳
萬人還來謁者引鄉殿陳累世未嘗聞之增壽
萬年亦誠哉

仲秋彌田

晉傅玄

仲秋彌田金德常剛涼風清且厲凝露結為
霜白滅司辰蒼隼時鷹揚鷹揚猶尚父順天
以殺伐春秋時敘雷霆震威曜進退由鉦鼓
致禽祀祊羽毛之用充軍府赫赫大晉德芬
烈陵三五敷化以文雖安不廢武光宅四海
永享天之祐

遠期篇

何承天

遠期千里客肅駕候良辰近命城郭友具爾
惟懿親高門啓雙闈長筵列佳賓中堂舞六

侑三廂羅樂入簫管激悲音羽毛揚華文金石響高宇絃歌動梁塵脩標多巧捷九劍亦入神遷善自雅調成化由清均主人垂隆慶群士樂亡身願我聖明君邇期保萬春

石流

漢古辭

百辭不可讀晉國順天道言仲冬大閱用武修文大晉之德配天也何承天云石上流水瀟瀟其波又言予在川上有志不遂立義不同

石流涼陽涼石水流為沙錫以微河為香向始

不令將風陽北逝肯無故其言揚心邪襄陽志

金安薄北方開留離藜蘭

順天道

晉傳玄

順天道握神契三時示講武事冬大閱鳴鑼振鼓鐸旌旗象虹霓文制其中武不窮武動軍誓衆禮成而義舉三驅役崇仁進止不失其序兵卒練將如闕虎惟闕虎氣陵青雲解圍三面殺不殄群偃旌麾班六軍獻享丞脩典文嘉大晉德配天祿報功爵候賢饗燕樂受茲百祿嘉萬年

石流篇

何承天

石上流水湍湍其波發源幽岫永歸長河瞻
彼逝者歲月其借予在川上惟以增懷嗟我
隱憂載勞寤寐遘此百罹有志不遂行年倏
忽長勤是嬰永言沒世悼茲無成幸遇開泰
沐浴嘉運緩帶安寢亦又何愠古之為仁自
求諸已虛情遙慕終於徒已

唐堯

漢務成古詞已亡晉曰唐堯言
聖皇陵帝立德化光四表也

唐堯諮務成謙謙德所興積漸終光大履霜
至堅冰神明道自然河海猶可疑舜禹統百
揆元凱以次升禪讓應天曆睿聖世相承我
皇陟帝位平衡正準繩德化飛四表祥氣見
其徵興王坐俟旦亡主恬自矜致遠由近始
覆篲成山陵披圖按先籍有其證靈液

玄雲

晉傳玄

漢古辭亡晉曰依舊名言
聖皇用人各盡其材也

玄雲起丘山祥氣萬里會龍飛何婉婉鳳翔

何颼颼昔在唐虞朝時見青雲際今親遊萬國流光溢天外鶴鳴在後園清音隨風邁成湯隆顯命伊摯來如飛周文獵渭濱遂載呂望歸符合如影響先天天弗違輟耕綜時綱解褐衿天維元功配三王芬響世所稀我皇敘群才洪烈何巍巍栢栢征四表濟濟理萬機神化感無方髦才盈帝畿丕顯惟昧旦日新孔所咨茂哉聖明德日月同光輝

書 伯益 與 黃雀 應 清 化 傳 玄

漢黃爵古辭亡晉曰伯益言赤鳥銜書有周以興今聖皇受命神雀來也

伯益佐舜禹職掌山與川德侔十六相思心入無間智理周萬物下如衆鳥言黃雀應清化翔集何翩翩和鳴棲庭樹徘徊雲日間夏桀爲無道密網施山河酷祝振織網當柰黃雀何殷湯崇天德去其三面羅逍遙群飛來鳴聲乃復和朱雀作南宿鳳凰統羽群赤鳥銜書至天命瑞周文神雀今來遊爲我受命君嘉祥致天和膏澤降青雲蘭風發芳氣

世同其芬

釣竿歌

魏文帝

舊說有伯常子避仇河濱為漁者其妻思之而為釣竿歌每至河側輒歌之後司馬相如作釣竿詩遂傳以為樂曲而漢古辭亡或云漢止世一曲而無釣竿此篇魏文帝辭也晉仍舊名言聖皇德配堯舜又有呂望之佐以濟天功致太平也若梁沈約桂舟既容與劉孝威釣舟畫彩蠟但稱綸釣嬉遊而已

東越河濟水遙望大海涯釣竿何珊珊魚尾何篔簹行路之好者芳餌欲何為

晉傅玄

釣竿何冉冉其餌芳且鮮臨川運思心微綸沉九淵太公寶此術乃在靈秘篇機變隨物移精妙貫未然游魚驚著釣潛龍飛戾天戾天安所至撫翼翔太清太清一何異兩儀出渾成玉衡正三辰造化賦群形退願輔聖君與神合其靈我君弘遠畧天人不足并天人初并時昧昧何芒芒日月有徵地文象與二皇蚩尤亂生民黃帝用兵征萬方逮夏禹而

德衰三代不及虞與唐我皇聖德配堯舜受
禪即祚享天祥率土蒙祐靡不肅度事康度
事康穆穆明明荷百祿保無極永太平天
軍如王漢五三氣豈小類

桂舟既容與綠浦復回紆輕絲動弱芟微楫
起單鳧扣舷念日莫卒歲以為娛

劉孝綽

釣舟畫彩鷁魚子服冰紈金轄菜萸網銀鈎
翡翠竿斂橈隨水脉急槩渡江湍湍長自不

辭前蒲有佳期舩交棹影合浦深魚出遲荷
根時觸餌菱芡乍冒絲蓮渡江南手衣渝京
毛眉垂竿自來樂誰能為太師

古樂府卷之二

古樂府卷之三

事康穆修明荷百爾保無種
 桂丹既容與綠浦復何紅
 起軍也
 此風華平自來樂籍計以天相
 外神圖報美至不賢德義武南平
 來命京
 獨前能其封琪缺文林湯合
 新魚出

古樂府卷之三

元 豫章左克明編次

大明 新安王文元校刊

橫吹曲歌辭

隴頭

隴頭水

出關

入關

出塞

入塞

折楊柳

關山月

洛陽道

長安道

梅花落

紫騮馬 二首

驄馬

驄馬驅

雨雪

劉生

梁鼓角橫吹曲

企喻歌

瑯琊王歌

鉅鹿公主歌

紫騮馬歌

黃淡思歌

地驅樂歌

雀勞利歌

慕容垂歌

隴頭流水歌

隔谷歌

淳于王歌

東平劉生歌

捉搦歌

折楊柳歌

幽州馬客吟歌

慕容家自魯企由谷歌

隴頭歌

高陽樂人歌

白鼻騮

木蘭辭

橫吹曲歌辭

橫吹曲其始亦謂之鼓吹馬上奏之

乃軍中之樂也自漢已來北狄樂總

歸鼓吹署其後分為二部有簫笳者

為鼓吹用之朝會道路有鼓角者為
橫吹用之軍中馬上所奏者是也晉
書樂志曰橫吹有鼓角又有胡角即
胡樂也漢張騫入西域傳其法於西
京唯得摩訶兜勒一曲李延年因胡
曲更造新聲二十八解魏晉以來唯
傳十曲一曰黃鵠二曰隴頭三曰出
關四曰入關五曰出塞六曰入塞七
曰折楊柳八曰黃單于九曰赤之楊

十曰聖行人後有關山月洛陽道長
安道梅花落紫騮馬驄馬雨雪劉生
八曲合十八曲古辭間有存者今取
出六朝諸詩列於後以備觀覽云

隴頭

陳後主

一曰隴頭水通典曰天水郡有大阪
名曰隴頭亦曰隴山即漢隴關也三
秦記曰其阪九回上者七日乃越
上有清水四注下所謂隴頭水也

隴頭征戍客寒多不識春
驚風起嘶馬苦霧雜
飛塵投錢積石水斂轡交
河津四面夕冰合萬

里重佳人

隴頭水

梁元帝

衝悲別隴頭關路漫悠悠
故鄉迷遠近征人分
去留沙飛曉成幕海氣旦
如樓欲識秦川處隴
水向東流

出關

魏徵

中原還逐鹿投筆事戎軒
縱橫計不就慷慨志
猶存策杖謁天子驅馬出關門
請纓羈南越憑
軾下東藩鬱紆步高岫出沒望中原
古木吟寒

鳥空山啼夜復既傷千里目
還驚九折魂豈不

憚

良儉深懷國士恩
季布無二諾侯嬴重一言

人生感意氣功名誰復論

入關

梁吳均

羽檄起邊庭烽火亂如螢
是時張博望夜赴交
河城馬頭要落日劍尾掣流星
君恩未得報何
論身命傾

出塞

古辭

西日書曰樂志曰出塞入塞曲李延年造
曹嘉之晉書曰劉疇嘗避亂塢壁賈

胡百數欲害之疇無懼色援笳而吹之為出塞入塞之聲以動其遊客之思於是群胡皆垂淚而去按西京雜記曰戚夫人善歌出塞入塞望歸之曲則高帝時已有之疑不起於延年也唐又有塞上塞下曲蓋出於此

月弦
候騎出甘泉奔命入居延旗作浮雲影陣如明

入塞

周王裒

戍久風塵色動多意氣豪建章樓閣迥長安陵
樹高度冰傷馬骨經寒墜節旄行當見天子無
假用錢刀

折楊柳

梁元帝

梁樂府有胡吹歌云上馬不捉鞭反
拗楊柳枝下馬吹橫笛愁殺行客兒
此歌辭元出北國即鼓角橫吹曲折
楊柳是也宋書五行志曰晉太康末
京洛為折楊柳之歌其
曲有兵革苦辛之辭

山高巫峽長垂柳復垂楊同心且同折故人懷
故鄉山似蓮花艷流如明月光寒夜猿聲徹遊
子淚霑裳

關山月

梁元帝

此言傷別離也按相和
曲有度關山亦類此也

朝望清波道夜上白登臺月中含桂樹流影自
徘徊寒沙逐風起春花犯雪開夜長無與晤衣
單誰爲裁

洛陽道

梁元帝

洛陽開大道城北達城西青槐隨幔拂綠柳逐
風低玉珂鳴戰馬金爪闔場雞桑萎日行暮多
逢秦氏妻

長安道

神臯開隴右陸海貫西秦金槌抵長樂複道向

宜春落花依度幘垂柳拂行人金張及許史夜
夜尚留賓

梅花落

宋鮑照

梅花落本笛中曲也按唐大角曲亦
有大單于小單于大梅花小梅花等
曲今其聲
猶有存者

中庭雜樹多偏爲梅咨嗟問君何獨然念其霜
中能作花露中能作實搖蕩春風媚春日念爾
零落逐風颺徒有霜花無霜質

紫駟馬

梁簡文帝

古今樂錄曰紫駟馬古辭云十五從軍征八十始得歸道逢鄉裏人家中不成林念娘錦襖恒長不念心蓋從軍久戍懷歸而作也

賤妾朝下機正值良人歸青絲懸玉鐙朱汗染香衣驟急珂彌響踣多塵亂飛彫菰幸可薦故心君莫違

梁元帝

長安美少年金絡錦連錢宛轉青絲鞵照耀珊瑚鞭

驄馬

梁車敷

一日曰驄馬驅比皆言關塞征役之事

驄馬鏤金鞍柘彈落金丸意欲驂驪走先作野遊盤平明發下蔡日中過上蘭路遠行須疾非是畏人看

驄馬驅

梁元帝

朔方寒氣重胡關饒苦霧白雪晝凝山黃雲宿埋樹連翩行役子終朝征馬驅試上金微山還看玉關路

雨雪

陳後主

采薇詩曰昔我往矣楊柳依依今我來思雨雪霏霏穆天子傳曰天子遊于黃室之曲筮獵革澤天子乃休日中大寒北風雨雪有凍人天子作詩三章以哀之曰我徂黃竹是也雨雪曲蓋取諸此

長城飛雪下邊關地籟吟濛濛九天暗霏霏千里深樹冷月恒少山霧日偏沉沉聽南歸鴈切思朝笳音

劉生

梁元帝

劉生不知何代人觀齊梁以來所為劉生之辭者皆稱其任俠豪放周遊

五陵三秦之地或云抱劍專征為符節官所未詳也

遊俠有劉生然諾重西京扶風好驚坐長安恒借名榴花聊夜飲竹葉解朝醒結交李都尉遨遊佳麗城

梁鼓角橫吹曲

樂錄云梁鼓角橫吹曲有企喻瑯琊王鉅鹿公主紫騮馬黃淡思地驅樂雀勞利慕容垂隴頭流水等歌三十六曲此九曲有歌其二十五曲有歌

有聲樂府胡吹舊曲有十四篇唯淳
于王捉搦東平劉生有歌其十二曲
並亡又有隔谷折楊柳幽州馬客吟
慕容家自魯企由谷隴頭高陽王樂
人等歌古辭並存唯木蘭二曲不知
起於何代也

企喻歌

古辭

企喻本北歌梁鼓角橫吹曲有四曲
後一曲乃符融作之深山解谷口白
骨無人叔與
今傳者小異

男兒欲作健結伴不須多鷄子經天飛群雀兩
向波

放馬大澤中草好馬著臙牌子鐵襠襠鉉鉉鶴
尾條

前行看後行齊著鐵襠襠前頭看後以頭齊著鐵
鉉鉉

男兒可憐虫出門懷死憂尸喪狹谷中白骨無
人叔

瑯琊王歌

古今樂錄曰瑯琊王歌八曲或云陰涼下又有二句云盛冬十一月號女覓東將最後云誰能騎此馬唯存廣平公按晉書載記廣平公姚弋仲之弟也

新買五尺刀懸著中梁柱一日三麻淨劇於十五女

瑯琊復瑯琊瑯琊大道王陽春二三月單衫綉襖襠

東山看西水水流盤石間公死姥更嫁孤兒甚

瑯琊復瑯琊瑯琊大道王鹿鳴思長草愁人思故鄉

長安十二門光門最妍雅渭水從龍來浮遊渭橋下

瑯琊復瑯琊女郎大道王孟陽三四月移鋪逐陰涼

客行依主人願得主人疆猛虎依深山願得松栢長

快馬高纏鬃遙知身是龍誰能騎此馬唯有廣

平公 高麗 平公 高麗 平公 高麗

鉅鹿公主歌

唐書樂志曰梁有鉅鹿公主歌似是姚萇時歌其詞華音與此歌不同

官家出遊雷大鼓細乘犢車開後戶

車前女子年十五手彈琵琶玉節舞

鉅鹿公主殷照女皇帝陛下萬幾主

紫騮馬歌

古今樂錄曰十五從軍征以下是古詩

火燒野田野鳥飛上天童男娶寡婦壯女笑

殺人

高高山頭樹風吹葉落去一去數千里何當還

故處

十五從軍征八十始得歸道逢鄉里人家中有

阿誰

遙看是君家松柏冢纍纍兔從狗竇入雉從梁

上飛

中庭生旅穀井上生旅葵春穀持作飯採葵持

作羹

古樂府 卷三
羹飯一時熟不知飴阿誰出門東向看淚落沾
我衣

黃淡思歌

古今樂錄曰思音相思之思按李延
年造橫吹曲二十八解有黃覃子不
知與此
同否

歸歸黃淡思逐郎還去來歸歸黃淡白逐郎何
處索

心中不能言腹作車輪旋與郎相知時但恐傍
人聞

江外何鬱拂龍洲廣州出象牙作帆檣綠絲作
幃綵
綠絲何歲蕤逐郎還去來

地驅樂歌

古今樂錄曰側側力力以下八句是
今歌有此曲最後云不可與力或云
各自
努力

青青黃黃雀石積唐槌殺野牛押殺野羊
驅羊入谷自羊在前老女不嫁蹋地喚天
側側力力念君無極枕郎左臂隨郎轉側

摩挲郎鬢看郎顏色郎不念女不可與力

月明光光星露墮欲來不來早語我今按此乃地驅樂歌

不知左氏何以附此

雀勞利歌

雨雪霏霏雀勞利長觜飽滿短觜饑

慕容垂歌

晉書載記曰慕容垂本名猗尋以讖記乃去夫以垂為名慕容儁僭號封垂為吳王徙鎮信都太元八年自稱燕王

慕容攀墻視吳軍無邊岸我身分自當枉殺齊

外漢

慕容愁憤憤燒香作佛會願作墻裏鸞高飛出

墻外

慕容出墻望吳軍無邊岸咄我臣諸佐此事可
惋歎

隴頭流水歌

古今樂錄曰樂府有此歌曲解多於此

隴頭流水流離西下念吾一身飄然曠野

西上隴坂羊腸九回山高谷深不覺脚酸

手攀弱枝足踰弱泥

隔谷歌

古今樂錄曰前云無
辭樂工有辭如此

兄在城中弟在外
弓無弦箭無括
食糧乏盡若
為活救我來救我來

兄為俘虜受困辱
骨露力疲食不足
弟為官吏
馬食粟何惜錢刀來我贖

淳于王歌

肅肅河中育育孰
須含黃獨坐空房中
思我百

媚郎

百媚在城外千媚在中央
但使心相念高城何
所妨

東平劉生歌

東平劉生安東子
樹木稀屋裏無人看
阿誰

捉搦歌

粟穀難舂付石臼
弊衣難護付巧婦
男兒千凶
飽人手老女不嫁只生口

誰家女子能行步
反著袂禪後裙露天生男女

共一處願得兩箇成翁媪

羣陰山頭百丈井下有流水徹骨冷可憐女子

能照影不見其餘見斜領

黃桑柘屐蒲子履中央有絲兩頭繫小時憐母

大憐婿何不早嫁論家計

折楊柳歌

舊本五解後又有三解非也乃別曲耳凡四解今附于後

上馬不捉鞭反拗楊柳枝下馬吹長笛愁殺行

客兒

中愁不樂願作郎馬鞭出入擐郎臂蹠座郎

膝邊

放馬兩泉澤忘不著連羈擔鞍逐馬走何見得

馬騎

遙看孟津河楊柳鬱娑娑我是虜家兒不解漢

兒歌

健兒須快馬快馬須健兒蹠跋黃塵下然後別

雄雌

上馬不捉鞭反拗楊柳枝下馬吹長笛愁殺行客兒

門前一株棗歲歲不知老阿婆不嫁女那得孫兒抱

救救何力力女子臨窻織不聞機杼聲唯聞
女歡息
問女何所思問女何所億阿婆許嫁女今年
無消息

幽州馬客吟歌

快馬常苦瘦勦兒常苦貧黃禾起羸馬有錢始
作人

熒熒帳中燭燭滅不久停盛時不作樂春花不
重生

南山自言高只與北山齊女兒自言好故入郎
君懷

郎著紫袴褶女著綵袂裙男女共燕遊黃花生
後園

黃花鬱金色綠蛇銜珠丹辭謝牀上女還我十
指鏤

慕容家自魯企由谷歌

郎在十重樓女在九重閣郎非黃鸝子那得雲
中雀

隴頭歌

隴頭流水鳴聲幽咽遙望秦川心肝斷絕

朝發欣城暮宿隴頭寒不能語舌卷入喉

高陽樂人歌

古今樂錄曰魏高陽王樂人所作也又曰白鼻騮蓋出於此

可憐白鼻騮相將入酒家無錢但共飲畫地作

交賒

何處謀傷來兩頰色如火自有桃花容莫言人

勸我

白鼻騮

後魏溫子昇

少年多好事攬轡向西都相逢狹斜路駐馬

當壚

木蘭辭

古辭

木蘭不知名詐作男子代父征行其辭最苦言萬里赴戎機關山度若飛朔氣傳金柝寒光照鐵衣相和曲有度關山亦類此皆言傷別之意

唧唧復唧唧

一作促織

木蘭當戶織不聞機杼聲唯

聞女嘆息問女何所思問女何所憶女亦無所

思女亦無所憶昨夜見軍帖可汗大點兵軍書

十二卷卷卷有爺名阿爺無大兒木蘭無長兄

願為市鞍馬從此替爺征東市買駿馬西市買

鞍韉南市買轡頭北市買長鞭旦一作朝字辭爺娘

去暮宿黃河邊不聞爺娘喚女聲但聞黃河流

水鳴濺濺且辭黃河去暮至一作宿黑山頭不聞

爺娘喚女聲但聞燕山胡騎鳴啾啾萬里赴戎

機關山度若飛朔氣傳金柝寒光照鐵衣將軍

百戰死壯士十年歸歸來見天子天子坐明堂

策勲十二轉賞賜百千疆可汗問所欲木蘭不

用尚書郎一作欲與木蘭賞不願尚書郎願馳千里足段成式西陽雜

姐云願借明送兒還故鄉爺娘聞女來出郭相

扶將阿妹聞姊來當戶理紅粧小弟聞姊來

刀霍霍向豬羊開我果閣門坐我西間床脫我

戰時袍着我舊時裳富廳理雲鬢挂鏡貼花黃

出門看火伴火伴皆驚一作始字忙同行十二年不

知木蘭是女郎雄兔脚撲朔雌兔眼迷離雙一作

兩兔傍地走安能辨我是雄雌

木蘭抱杼嗟借問復為誰欲聞所憾憾感激疆

其顏老父隸兵籍氣力日衰耗豈足萬里行有

子復尚少胡沙沒馬足朔風裂人膚老父舊羸

病何以疆自扶木蘭代父去秣馬備戎行易却
絳綺裳洗却鉛粉妝馳馬赴軍幕慷慨携干將
朝屯雪山下暮宿青海傍夜襲月支虜更携干
闐羗將軍得勝歸士卒還故鄉父母見木蘭喜
極成悲傷木蘭能承父母顏却銜巾鞞理絲簧
昔爲烈士雄今復嬌子容親戚持酒賀父母始
知生女與男同門前舊軍都十年共崎嶇本結
兄弟交死戰誓不渝今也見木蘭言聲雖是顏
貌殊驚愕不敢前歎重徒嘻吁世有臣子心能

如木蘭節忠孝兩不渝千古之名焉可滅

古樂府卷之三

古樂府卷之三 木蘭代父去 乘馬備戎行 見

朝屯雪山下 暮宿青海傍 夜聞胡笳聲 聞

胡笳聲 將軍得勝歸 士卒還故鄉 父母見

成悲傷 木蘭能承父 母願 却倚門前望 始

知生女 功高不封爵 身死不歸鄉 君不見

木蘭道 忠孝兩全 古今名 豈可回 歎

豈可回 歎 豈可回 歎 豈可回 歎

豈可回 歎 豈可回 歎 豈可回 歎

豈可回 歎 豈可回 歎 豈可回 歎



